



E trè lune

Enunciatu

U travagliu sottu quì fate lu cù primura è precisione.

Materiale :


mina nera è mine di culore, riga, cumpassu, sguassaghjola.

Eserciziu d'applicazione


Ogettivi pedagogichi

Capacità messe in ballu : cunnosce u vucabulariu matematicu è e nutazione in geometria ; traccià un chjerchju chì si ne cunnosce u centru è u raghju ; traccià un chjerchju chì si ne cunnosce u centru è un puntu ; applicà un prugramma di custruzione d'una figura piana.

Cumpetenze messe in ballu : ripresentà.



1. Nant'à a figura accanto quì, tracciate i segmenti [AC] è [OB]. Si taglianu à u puntu G. Cullucate à G.
2. Tracciate i segmenti [EC] è [OD]. Si taglianu à u puntu H. Cullucate à H.
3. Tracciate i segmenti [EA] è [OF]. Si taglianu à u puntu I. Cullucate à I.
4. Tracciate l'arcu di chjerchju di centru B, di raghju BO, da C sin'à A (à l'indrentu di u chjerchju).
5. Tracciate l'arcu di chjerchju di centru D, di raghju DO, da E sin'à C (à l'indrentu di u chjerchju).
6. Tracciate l'arcu di chjerchju di centru F, di raghju FO, da A sin'à E (à l'indrentu di u chjerchju).
7. Tracciate l'arcu di chjerchju di centru G, di raghju GC, da C sin'à A (à l'indrentu di u chjerchju).
8. Tracciate l'arcu di chjerchju di centru H, di raghju HE, da E sin'à C (à l'indrentu di u chjerchju).
9. Tracciate l'arcu di chjerchju di centru I, di raghju IA, da A sin'à E (à l'indrentu di u chjerchju).
10. Sguassate i tratti chì ùn ghjovanu di modu à fà cumparisce trè lune falcate cum'è nant'à a figura sottu quì.



Lessicu

Cullucà : *placer.*

Luna falcata : *croissant de lune.*

Cumparisce : *apparaître.*

Arcu di chjerchju : parte di un chjerchju.

11. Culurite ogni luna falcata d'un culore diferente.